

Kriol Kongsl da *SICA*

Di **Nashanal Kriol Kongsl** soh hapi fi seh dat wi Vais-President, **Mista Michael Kemp** mi deh da di fos paat a wahn werkshap fi di *SICA* reejan ahn Kyooba. *SICA* da di shaat wod fi *Sistema Integracion de CentroAmerica*, er dehn kaal it: *Central American Integration System* eena English, bot stil rifa tu di wan wod az *SICA*. [Seh it laik *Seeka*].

SICA bring tugged a lat a groop fahn Senchral Amerika fi nak hed bowt tingz weh mata tu wi az wahn reejan...tingz weh da kaman chalinj ahn prablem ahn laik dat. Pahn tap, how eena ejukayshan ahn lat moa, how wi ku werk tugged a.

Wi big op **Mista Michael Kemp** ahn aal di adaz weh di reprizent fi chraynin pahn wahn “**National Project for Afro-Descendants.**” Dis da speshali fi protek wi kolcha. ... pahn tap, di Garifuna kamyooniti kolcha dehdeh tu. Di too a wi link tu Afrika. **Sheena Zuniga, Nashanal Garifuna Kongsl** prezident ahn **April Martinez** (di **Bileez govament kantik**) mi dehdeh wid Michael Kemp.

Mee soh proud fi bi paat a di Nashanal Kriol Kongsl, ahn wi big op Mista Michael Kemp fi weh ih di du fi leed wi pahn dis. Pahn tap, hihn don di sen di fos paat a ih ful ripoat. TANK YU! ... Wi big op *SICA* ahn *NICH* ahn evribadi els hoo help mek dis hapm! Wi wahn kip unu op-tu-dayt az wi goh lang!
